

**REFERAT FRÅ MØTE I SAMARBEIDSRÅDET FOR SUNNHORDLAND  
FREDAG, 16 SEPTEMBER 2016, RÅDHUSET I SVEIO KOMMUNE****Desse møtte:**

Odd Harald Hovland	Bømlo kommune
Geir Aga	Bømlo kommune
Siri Klokkestuen	Etne kommune
Pål Nygård	Etne kommune
Wenche Tislevoll	Fitjar kommune
Atle Tornes	Fitjar kommune
Odd Ivar Øvregård	Kvinnherad kommune (var tilstades under sak 31/16 a) og 36/16)
Harry Herstad	Stord kommune
Magnus Mjør	Stord kommune
Jorunn Skåden	Sveio kommune
Bjørn Gilje	Sveio kommune
Kåre Martin Kleppe	Tysnes kommune
Steinar Dalland	Tysnes kommune

**Observatører:**

Ole Johan Vierdal	Vindafjord kommune
-------------------	--------------------

**Administrasjonen:**

Gro Jensen Gjerde  
Anne A. Tranøy

**Forfall:**

Morten Storebø, Austevoll kommune – Helge Skugstad, Austevoll kommune – Peder Sjo Slettebø, Kvinnherad kommune.

**Då var føre:**

- Sak 30/16 Godkjenning av referat frå møte 10. juni  
Sak 31/16 Skriv og meldingar
- Ny fungerande styreleiar
  - Presentasjon av ulike prosjekt i regi av Samarbeidsrådet
    - Geopark
    - Byregionprogrammet
    - Reiselivssatsinga
  - Vidareføring av tenester i BRB
  - Næringsarbeid
  - Endring av møtedato for Samarbeidsrådet
  - Kompensasjonsmidlar
  - Møte med fylkes- og stortingsrepresentantane frå Sunnhordland
  - Regionale team
  - Nytt fengsel på Haugalandet
  - Skulebruksplanen for Hordaland
  - E39 Stord – Os
  - Nyskapingskonferansen 2016
  - Regional kystsoneplan

- Sak 32/16 Regional planstrategi 2016-2020 – høyring
- Sak 33/16 Regionreform – nye folkevalte regionar, roller, struktur og oppgåver
- Sak 34/16 Ferjeavløysingspakke for Sunnhordland
- Sak 35/16 Ny kontorstruktur i Skatteetaten
- Sak 36/16 Rapport for prosjektet Stord sjukehus
- Sak 37/16 Ymse
  - a) Reiseliv
  - b) Ny kommunelov
  - c) Sunnhordlandstreff

Sunnhordland, 19. september 2016

Gro Jensen Gjerde  
dagleg leiar

**REFERAT FRÅ MØTE I SAMARBEIDSRÅDET FOR SUNNHORDLAND  
FREDAG, 16 SEPTEMBER 2016, RÅDHUSET I SVEIO KOMMUNE**

**Sak 30/16 Godkjenning av referat frå møte 10. juni**

Samrøystes vedteke.

**Sak 31/16 Skriv og meldingar**

- a) Ny fungerande styreleiar
- b) Presentasjon av ulike prosjekt i regi av Samarbeidsrådet
  - Geopark
  - Byregionprogrammet
  - Reiselivssatsinga
- c) Vidareføring av tenester i BRB
- d) Næringsarbeid
- e) Endring av møtedato for Samarbeidsrådet
- f) Kompensasjonsmidlar
- g) Møte med fylkes- og stortingsrepresentantane frå Sunnhordland
- h) Regionale team
- i) Nytt fengsel på Haugalandet
- j) Skulebruksplanen for Hordaland
- k) E39 Stord – Os
- l) Nyskapingskonferansen 2016
- m) Regional kystsoneplan

**På møte :**

**c) Vidareføring av tenester i BRB**

Regionaldirektør for Regional utvikling, Bård Sandal orienterte i møte om planane for nye BRB. Det vart etter drøftingane i møte peika på at Hordaland fylkeskommune i sterkare grad burde derfinert seg sjølv inn i den ledige rolla som BRB etterlater – gjennom ein eigen «virksomhetsovertakelse» av dei meir spissa oppgåvene og dei tilsette. Ved å sterkare vektlegge marknadsføring av heile Bergensregionen og styrke samspelet mellom etablerarsenteret og dei regionale regionråda og andre aktørar, ville fylkeskommunen kunne styrke sin regionapolitiske rolle og i mindre grad framstå som eit ekspedisjonsorgan for statlege tiltakspakkar.

Samarbeidsrådet vart samde om at kvar kommune må ta stilling til medlemskap.

**d) Næringsarbeid**

I møte drøfta Samarbeidsrådet det vidare arbeidet med oppfølging av vedtaket frå Representantskapet vedr. organisering av næringsarbeidet. Samarbeidsrådet konkluderte med at saka ikkje treng vidare utgreiing før den vert lagt fram til Representantskapet.

**j) Skulebruksplanen for Hordaland**

Det vart i møte føreslege at Samarbeidsrådet utarbeider ein uttale som gjeld Etne, Bømlo og Fitjar der ein blant anna peiker på svakheter i framlegget som no ligg føre.

**k) E39 Stord – Os**

Det vart i møte sett fram forslag om å utarbeida ei pressemelding, der rådet seier litt om sitt syn på arbeid/prosess.

**m) Regional kystsoneplan**

I møte orienterte saksordførar Kjell Håland og konst.plansjef Eva Katrin Taule frå Hordaland fylkeskommune om status i planarbeidet og endringar som er gjort etter høyringsrunden. Strandsoneplanen og strandsonedelen i kystsoneplanen må samkøyrast. Ein vart samde om eit felles arbeidsmøte mellom arbeidsgruppene i dei to planane. Det kom og innspel på at kystsoneplanen bør ut på ny høyring, noko det ikkje er lagt opp til.

**Sak 32/16 Regional planstrategi 2016-2020 – høyring**

**Framlegg til uttale**

Samarbeidsrådet for Sunnhordland meiner at dei skisserte utfordringane og mulighetene for Hordaland gjev eit godt bilete av situasjonen i Hordaland. Ein del av desse mulighetene og utfordringane vert følgt opp med framlegg til nye planar, eller gjennomføring/ferdiggjering av eksisterande planar.

Samarbeidsrådet meiner det er fornuftig at det ikkje vert starta opp ei mengd nye planar, men at ein ferdigstiller dei planane som alt er i gong, og prioriterer strengt oppstart av nye. Dette legg planstrategien opp til.

I omtalen av regional plan for attraktive senter vert det sagt at både skulebruksplanen og tannhelseplanen bidreg til å styrkja regionale senter. Det er positivt at det er ein raud tråd gjennom planarbeid, og at ting heng saman. Men det stiller og krav og kan gje utfordringar dersom den eine planen låser den andre.

Dersom plan for senterstruktur skal vera førande for skulebruksplanen vil dette gje uheldige verknader både for Rubbestadnes og Fitjar vg. skular, noko Samarbeidsrådet for Sunnhordland ikkje kan stilla seg bak.

Det er positivt at vestlandsperspektivet kjem så tydeleg fram i planstrategien, både i RTP og som eigen strategi. Planarbeidet må justerast ut i frå intensjonsplan som vert vedteke ut frå pågåande forhandlingar, og ut i frå dei vedtak som vert gjort i dei tre fylkestinga. Det er svært viktig med involvering frå regionane i dei ulike planane. Samarbeidsrådet ynskjer ei aktiv rolle der dette er aktuelt.

Samarbeidsrådet meiner det er uheldig at det vert føreslege å fase ut Fylkesdelplan for Sunnhordland, då det er fleire relevante strategiar her ein bør arbeida vidare med. Samarbeidsrådet meiner det bør gjerast ein gjennomgang av status på dei ulike strategiane og tiltaka før den vert vedteken fasa ut.

**Framlegg til vedtak:**

Samarbeidsrådet for Sunnhordland vedtek uttalen slik den ligg føre.

**I møte:**

Det vart i møte sett fram forslag til endring i uttalen:

Ny setning i andre avsnitt:

Dei konkrete planane må og vurderast opp i mot dei ulike målområda.

Nytt fjerde avsnitt:

Dersom plan for senterstruktur skal vera førande for skulebruksplanen vil dette gje uheldige verknader både for Rubbestadnes, Etne, Austevoll og Fitjar vg. skular, noko Samarbeidsrådet for Sunnhordland ikkje kan stilla seg bak.

**SAMRØYSTES VEDTAK:**

Samarbeidsrådet for Sunnhordland meiner at dei skisserte utfordringane og moglegheitene for Hordaland gjev eit godt bilete av situasjonen i Hordaland.

Ein del av desse moglegheitene og utfordringane vert følgt opp med framlegg til nye planar, eller gjennomføring/ferdiggjering av eksisterande planar.

Samarbeidsrådet meiner det er fornuftig at det ikkje vert starta opp ei mengd nye planar, men at ein ferdigstiller dei planane som alt er i gong, og prioriterer strengt oppstart av nye. Dette legg planstrategien opp til. Dei konkrete planane må og vurderast opp i mot dei ulike målområda.

I omtalen av regional plan for attraktive senter vert det sagt at både skulebruksplanen og tannhelseplanen bidreg til å styrkja regionale senter. Det er positivt at det er ein raud tråd gjennom planarbeid, og at ting heng saman. Men det stiller og krav og kan gje utfordringar dersom den eine planen låser den andre.

Dersom plan for senterstruktur skal vera førande for skulebruksplanen vil dette gje uheldige verknader både for Rubbestadnes, Etne, Austevoll og Fitjar vg. skular, noko Samarbeidsrådet for Sunnhordland ikkje kan stilla seg bak.

Det er positivt at vestlandsperspektivet kjem så tydeleg fram i planstrategien, både i RTP og som eigen strategi. Planarbeidet må justerast ut i frå intensjonsplan som vert vedteke ut frå pågåande forhandlingar, og ut i frå dei vedtak som vert gjort i dei tre fylkestinga. Det er svært viktig med involvering frå regionane i dei ulike planane. Samarbeidsrådet ynskjer ei aktiv rolle der dette er aktuelt.

Samarbeidsrådet meiner det er uheldig at det vert føreslege å fase ut Fylkesdelplan for Sunnhordland, då det er fleire relevante strategiar her ein bør arbeida vidare med. Samarbeidsrådet meiner det bør gjerast ein gjennomgang av status på dei ulike strategiane og tiltaka før den vert vedteken fasa ut.

**Sak 33/16 Regionreform – nye folkevalte regionar, roller, struktur og oppgåver**

**Framlegg til vedtak:**

1. Samarbeidsrådet for Sunnhordland meiner at ein Vestlandsregion med Rogaland, Hordaland og Sogn og Fjordane er den mest framtidsretta løysinga for vestlandet.

2. Samarbeidsrådet for Sunnhordland kan ikkje godta ei løysing der Rogaland vert utvida med kommunane i Sunnhordland som høyrer til Sør Vest politidistrikt. Denne løysinga er inga reform, men ei grensejustering.
3. Samarbeidsrådet ber fylkestinget arbeida for at Sunnhordland framleis skal høyra til Hordaland, dersom ein ikkje vert samde om ein Vestlandsregion, med Rogaland og Sogn og Fjordane.

**I møte:**

Det vart i møte sett framlegg om at saka vert utsett. Det vart i møte sett ned ei ad-hoc gruppe beståande av rådmann Odd Ivar Øvregård, Kvinnherad kommune, ordførar Kåre Martin Kleppe, Tysnes kommune, ordførar Harry Herstad, Stord kommune og ordførar Jorunn Skåden, Sveio kommune.

**Sak 34/16 Ferjeavløysingspakke for Sunnhordland**

**Framlegg til vedtak**

1. Samarbeidsrådet tek «Ferjeavløysingspakke for Sunnhordland» til orientering.
2. Samarbeidsrådet ber om at det vert eit eige kapitel om ferjeavløysingsmidlar i Regional transportplan.
3. Samarbeidsrådet ber om at Huglosambandet og Fjellbergsambandet vert omtala i planen.
4. Samarbeidsrådet vil arbeida for å fremja ferjeavløysingsmidlar på sambanda.
5. Når det er gjort eit planarbeid for fastsamband mellom Austevoll og Tysnes vil Samarbeidsrådet arbeida for å få dette realisert.

**VEDTAK:**

Samrøystes vedtak.

**Sak 35/16 Ny kontorstruktur i Skatteetaten**

**Framlegg til vedtak:**

Samarbeidsrådet godkjenner uttalen slik den ligg føre.

**SAMRØYSTES VEDTAK:**

Samarbeidsrådet for Sunnhordland har forståing for at den teknologiske utviklinga, med meir nettbasert kontakt med publikum, auka faglege krav og reduserte budsjett medføre behov for omstilling, og at dette igjen føre til at etaten må vurdere kontorstrukturen.

Samarbeidsrådet for Sunnhordland stiller seg likevel undrande til framlegg til ny kontorstruktur i Hordaland, der det er føreslege fire kontor, som alle ligg nord for Bjørnafjorden.

Dette gjer at ein industriregion som Sunnhordland ikkje får oppretthalde eit eige kontor.

Sunnhordland har eit dynamisk næringsliv som er kjent for høg verdiskaping og med internasjonal orientering. Bedriftene har til tider behov for eitt betydelig antall utanlandske arbeidstakarar, som jamleg har behov for å oppsøkje skattekontor.

Ut i frå at Skatteetaten står ovanfor nye utfordringar, og skal vera tettare på næringslivet for blant anna å jobba mot arbeidsmarknadskriminalitet må det vera eit stort føremon å ha eit kontor i ein industriregion som Sunnhordland.

Samarbeidsrådet kan difor ikkje akseptera at skattekontoret på Stord vert avvikla og ber om at departementet revurdere Skatt vest sitt framlegg til ny kontorstruktur for Hordaland.

### **Sak 36/16 Rapport for prosjektet Stord sjukehus**

#### **Framlegg til vedtak**

1. Samarbeidsrådet for Sunnhordland støtter opp om dei tilrådingane som prosjektgruppa har kome fram til i sitt arbeid med Prosjekt for Stord sjukehus.
2. Samarbeidsrådet for Sunnhordland meiner at tilrådingane ikkje må vurderast som ei «pakkeløysing» på ein slik måte at akuttfunksjonen på nytt vert sett i spel.
3. Utviklinga av Helse Fonna bør følgja dei tilrådde hovudprinsippa gjennom samordna tiltak og funksjonsfordeling i heile føretaket og regionføretaket.

#### **På møte:**

Det vart i møte sett fram forslag til nytt vedtak:

1. Samarbeidsrådet for Sunnhordland støttar opp om dei tilrådingar som prosjektgruppa samrøystes har kome fram til i sitt arbeid med Prosjekt for Stord sjukehus.
2. Samarbeidsrådet treng ein klar garanti frå den administrative leiinga ved Helse Fonna og Helse Vest for at også desse støttar dei breie prosessane prosjektgruppa legg opp til mellom sjukehusa i føretaket – som skal sikra ei stadig betre grunnlag for utvikling og oppretthalding av akuttfunksjonar – samt stadleg leiing ved sjukehuset på Stord.
3. Utviklinga av Helse Fonna bør følgje dei tilrådde hovudprinsipp gjennom samordna tiltak og integrerande prosessar som skal leia til betre fagleg integrasjon, trygge roller, ein pasientretta arbeids- og funksjonsfordeling som styrkar både helsetenesta i Sunnhordland og Vestlandet elles.

#### **VEDTAK:**

Nytt framlegg vart samrøystes vedteke.

**Sak 37/16 Ymse**

**a) Reiseliv**

Ordfører Kåre Martin Kleppe orienterte kort om at styringsgruppa for reiseliv går inn for å erstatta Sunnhordlandsguiden med eit Sunnhordlandskart inkl. informasjon og tilpassa ei meir framtidsretta marknadsføring.

**b) Ny kommunelov**

Ordfører Harry Herstad, Stord kommune tok opp at Samarbeidsrådet ikkje har drøfta forslag til ny kommunelov. Rådmenna tek saka opp i sitt møte.

**c) Sunnhordlandstreff**

Ordfører Siri Klokkestuen, Etne kommune gav ros til gjennomført Sunnhordlandtreff i Bergen 5. september.